



猗蘭臺集

三三稿

15

~ 16
3371
15



12
3371
1788


Red square seal impression

Faded vertical text within a blue border, likely bleed-through from the reverse side of the page.

Handwritten characters, possibly '水' (water) and '火' (fire).

Handwritten scribbles or marks at the bottom of the page.

門 16
號 3371
卷 15



猗蘭臺集三稿卷之三

卷父林

詩

江房春事

草房寂寂山花開黃鳥還知舊樹回
矯首徘徊長日暮春光何不引人來

憶華頂察公

東方遙望白雲邊春樹香臺花欲然
華頂山中

誰共見芙蓉海上獨堪憐

三月二日賜宴吹臺

御園風色上林春雨霽開筵花更新落日金尊

欲傾盡

君恩共沐醉歸人

三日此君亭燕集得風字

相逢上巳日興與晉時同花傍竹林發杯流曲
水通吟詩迴後苑座石向微風隨意醉醒侶心

交在眼中

春怨

今年還發去年花寂寞相思日已斜春色往來
知幾度青樓極目入烟霞

暮春即事

桃花落盡柳花飛花色春光留不歸老去看花
何不醉解言七十古來稀

飲青楓亭分韻一東

亭上認青楓小園墻外東樹堪掩夏日色似待
秋風下榻做徐孺一樽自孔融相期明月夜醒
醉與俱同

分詩牌戲作

遠去山川歸思懸梧桐秋過更驚眠退來早晚
拂衣去聊弄依然清曲絃

桂花樓與子遷分詩牌戲作

堪憐一日飲高樓賓客何分塵外遊鳳闕雨從

晴靄掛上林雲隔北風浮小篇隨筆賦長思滿
酌回杯破舊愁向暮輕煙吹欲竭紅荷遙見龍
池舟

分詩牌戲作宮詞

金殿蘭燈殘色鮮松楓窓下掩蒼天宮中心事
共誰語離別人間曉露前

炎熱日乞仙風詞

六月廿九日炎熱大惱人正是焦熱地獄苦起

卧進退奈此身願下羽客風蕭瑟蘇精神

八月望夜與子遷飲桂華樓

與君對酌月明樓濁酒清尊良夜遊相喜年年
兩霜髮醉醒不減桂華秋

秋日偶成

却似悲秋薄微軀白髮年風塵皆外物詩酒可
相憐常慕竹林趣醉交七子賢人生無別事唯
是一尊前

山里 賜宴賞菊

菊花如錦帶風霜西苑承

恩取醉長今日誰知天上宴浚浮金甕玉杯香

初春口號

天寒白雪晝陰陰何有黃鸝發好音只見梅花
開牖下纔知春色到園林

春日慢成

風塵春色少庭樹帶朝霜萬事皆無賴三杯是

醉鄉回思傾濁酒隨意養清狂幸有銀臺下寂
寞一草堂

花下對酌

花下一樽相對開百盃百盃又百盃是如白也
乘春興我醉彈琴君勿回

春日遊花下

忘却世間情春遊養此生杯中花片片林下鳥
嚶嚶唯是樂沈醉何爲用利名偏思期不朽詩

句使人驚

春日酌池邊

攜樽日日酌池塘老去偏唯思醉長應是高陽
如我輩花前花後接羅狂

止酒

春來止酒又何言偶抱新疴詩賦煩自笑已違
司馬渴含飴日日弄兒孫

聞子規有感

嶺南坂上子規飛故苑偏思歲歲違卽是人間
一如此不思易去思難歸

得加祿喜賦

已憑恩澤渥忽免笑清狂叢菊見秋色庭蘭發
國香自來生翳蔭終是向朝陽喜與家兒酌相
期歡樂長

奉賀 移御西城

高仰西城日月長仙宮閑照轉添光古來三秀

生涵德今見五雲遶建章雨露多年

恩欲洽頌歌千載壽無疆宵然天下堪垂拱始
識堯民歡萬方

近來時人能養得夏菊不減秋花因作

黃菊先秋黃似秋清香折得露華浮故人何識
夏中艷再採東籬思昔遊

送白河侯歸藩

分手遙思行路難夏山雲雨望漫漫白河到日

秋風起明月南樓誰共看

追遠桂雲亾妹

白露蕭蕭樹色深青苔塚上帶秋陰年光如夢
忽過去猶似當時淚濕襟

題画

群山春樹深奇峯白雲繞傍若有人家山盡水
渺渺

晚景月輪滿平沙蘆荻寒翩翩雙雁去寫得仲

秋看

葵花帶露靜石上麝香眠正是毛家妙由來得
自然

風前楓葉飛風外楓葉積併爲錦繡文陰映水
中石

金殿連樹間珠簾垂池上宮女如花妝疑無笑
語響

澗泉流無聲浚樹鬱常綠遙看樵人攀山頭路

轉曲

渙舟出暮潮枯柳橫岸下不知得魚多垂釣到

月夜

似欲問友人攜琴行林外恐是叔夜輩彈絃何

處會

桃花與柳花夾岸爭春色中有衆鳥鳴生動入

筆墨

草中踏露鹿庭上眠花猫都堪破寂寞春秋共

逍遙

青青池塘草兒子坐遊戲持花又持實又或持

錦幟

籬外款冬花得開寂寞地其旁有雙雞叢中相

共睡

松林數十里中見旅人行路絕山相出朝昏雲

霧生

樓閣連雲中高山遠相繞應是仙人居異鳥飛

杏杏

芙蓉何可及窈窕美人妝
微笑倚水殿如愛珠翠香

峯上巢松鶴江頭泊岸船
徐如風色起微月出參天

一枝海棠花自含傾國色
從來無搖落不知誰折得

雪高芙蓉峰初日出山半
大海自麓開日夜起

波瀾

老樹掩大石大石掩茅宅
中有鼓琴人寂寞着岸幘

孔雀圍紅袖微風引細烟
合歡紗帳裏雙臉恐同年

思舊篇

昔為近臣日天下誠繁榮
四隅仰聖德萬國畏儀刑
舉賢衆民穩惇信諸侯
平朝侍栢梁宴夕

遊咸陽城芳醴美且飽蕙肴隨坐生花垂玉階
馥月映瑤池圓微軀自盛世今向五十年思之
忽如夢顧之眇無邊霜鬢益添白疲駑愈難前
傳聞古人語變遷有桑田感情淚無止終成思
舊篇

浮萍篇

浮萍漾池水隨風倚西東本是無深根而與有
根同危哉下驟雨忽斷何處從願如高山樹依

然常青葱豈唯獨草木看取塵世中

老驥篇

老驥一何悲驥首仰蒼天昔遇伯樂日心中已
躍然一日極千里世得駿足憐時移自不用物
換空經年駑蹇却稱舉揚揚裝星纏尚之信者
饒譏之踈者偏夙夜飽穀粟肉肥漸見牽天哉
人間世智愚代相遷假令我不老何得王良賢
常無欲酒壺名也貯酒此壺其味佳甚因

戲作

常傾一壺酒兀然心無欲
豈啻一醉中醒時亦不束
由來遊造化造物亦不觸
高枕一樓裏容與古賢屬
其樂陶陶焉日以常繼燭
皆是此一壺使我脫塵俗

病中吟

老去病腰苦扶人艱往來漫言愁
叔懶空似陶潛才已折飛騰志堪思
宴賞陪秋風過伏枕矯

首嘆悲哉

欲凌秋暑甚開牖夕移牀洗樹臨流水灌園生
晚涼何時閑養拙遺世縱含觴志願生涯事獨
愁日夜長

謝甘棠君見贈菊花

秋後菊花芳似秋病中對酌轉忘憂陶家漉酒
緣君賜再脫紗巾撫白頭

余久病腰因辭職隱高阡

海邇高阡地山幽蕭寺邊驚波圍日疊深樹接
天連園似仲長好隱思袁淑賢朝昏緣適意造
化自延年

由來甘寂寞蓬戶對林丘魚躍池中喜鳥翻樹
上遊酒杯愈勸醉詩賦自無憂心事絕塵垢閑
情似白鷗

蟬脫世間事松聲高枕聞居閑能養拙地僻自
離群大海與天合千山落日曛生平只扶杖隨

意看歸雲

酬山形侯見寄詩

巖君知己至今思又且不思今得詩前代忠良
堪屈指幽棲真隱獨伸眉西山晴盡閑雲轉東
海波平返照移忽喜舊交憐老大老來偏拙似
嬰兒

元日東海眺望

海門日出總房分一片征帆遙入雲人道春光

自東至潮波萬里錦成文

對花酌今日雨卽事

風雨打花花欲飛樽前共怪雪霏霏
抱杯酌盡如澠酒醉裏從他沾短衣

花下獨酌

春酒對花酌停杯花勸酒此興何人知
白也千古後

隱高阡聞子規

白狐山畔子規飛堪聽數聲迴翠微
自喜解來塵世苦寂然已著薜蘿衣

閑居雜咏十二首

避世耽丘壑心兼造化閑捲簾朝雨過
欹枕暮雲還九坂千章樹數峰萬里山
春秋共佳氣仰盼獨怡顏

登樓浮海日千里總紅鮮雲水浸天合
總房積嶺連點塵清不缺極目綠無邊
卜築愛佳境壯

觀樂暮年

老愈甘寂寞茅屋適閑情
叢桂鬱留陰幽篁爨
有聲月高羸峽暮風至錦山晴
此夕陶然醉醉翁又解醒

荊門浚倚樹居靜意常幽
鶯弄山花嘯魚回潭水浮
出巢翻雨燕隔渚遡流鷗
竟日縱心目堪耽物外遊

常愛江山趣坐來到日斜
秋楓西苑色春樹數

峰花海水流新月漁村圍
晚霞望中隣萬里已欲泛仙槎

高卧是生事何爲問世間
廣陵時發調桑落轉開顏
醉望檻前海醒登園後山
更思真隱好無勝此清閑

螢火亂池水泉聲生冷風
攄梧憐夜靜採筆向燈紅
交憶蕩靈至談無折芟同
詩篇皆寂寞縱爾意無窮

白狐兼喜壽相對兩山高皎月懸烟樹驚風揚
雪濤新晴催吹笛奇勝入才毫臨眺莓苔上舉
頭想我曹

壯歲參麟閣一朝辭職回性同潘岳拙隱做陶
潛才藿食足生事鶡冠愜州萊欲醒頻喚酒幾
度醉眠催

自學長生術披園栽藥欄何須乘白鹿蹈廓侶
青鸞渴是異司馬卧應似謝安衰顏生氣色爲

製紫金丹

懶惰尚愈甚年年踈世情開窓聞鳥語垂餌見
魚爭濁酒攜堪漉香芹採欲羹乘閑是生事何
更倦巖耕

園池流水潔扶杖渡橋行黃鳥馴還轉蜻蜒翻
且輕酒能令我快詩豈有人驚拂石卽爲硯岸
頭題寫情

月夜登臨海樓

喜壽山頭月正圓金波撲岸五更天征帆不見
影渺渺今夜誰能相共憐

元日卽興

山頭日出海雲開波靜江南春色來自笑依然
舊年醉又添椒酒更傾杯

春日樓上戲分詩牌賦

落日開筵一上樓潮波千里暮雲浮片帆高掛
隔山出遙見煙霞繞樹流

更憐華發堪長飲夕向輕風詠欲回滿酌朱絃
思我輩交遊詩賦舊時才

春日喜壽苑中看花有興

園裏春風入酒觴花隨舞袖引香長座中歌妓
共相笑醉脫角巾雙鬢霜

夏日卽興

夏日山園綠樹深半帶白雲半帶雨閑來長嘯
造化移春秋高臥耽邃宇

題画

二童攜酒果五子持琴書樹密如無路浮雲覆
大虛

胡琴與肴酒相携步山頭不知何處到春日共
誰遊

遊今里館

盡醉今里館惟酒携行處從來世外翁懶性有
何處

稚女落梅子老夫曳杖藜步園採藜藿返照故
林西

五月甘瓜熟水盤光愈涼却疑仙掌露忽爾到
建章

登樓

登樓縱眺望極目到天根江已倍瀟水山偏似
石門扁舟棹落日漁火近前村唯有潮波響更
無人世喧

一酌一尊酒海風更快哉披襟雲返岫高枕月
浮杯身解樊籠苦心隨造化開謾言吾避世能
似張翰才
驛邊居不遠淡樹隔人聲傳馬迴涯往旅亭臨
海平雲收千嶺出風落一帆輕渾向此行路堪
催故國情
昔思故園切今唯愛寂如勝爲詩客料地愜世
情踈買酒有醇酒得魚盡美魚老來嗜兼味無

過此茅廬

喜雨

旱天何乃久炎熱苦人生一夜還驚雨連朝猶
未晴池魚得水喜巢燕乘風輕爲酒呼童急醉
望涼氣清

初秋日登樓

海門南望總房分水繞連山照夕曛忽看驚濤
如雪色秋風天際起飛雲

喜壽山頭月似眉影微百尺萬年枝秋風吹起
暮潮色看盡南溟天一涯
濁酒孤松烏角巾一杯一曲羲皇人隨風坐愛
絃外響心事清涼無點塵

漫成

所樂唯濁酒醉時歌踏踏若問金石瀨不異長
沮答

題盆上奇石

函關有二子山石形相似因名二子山
世置盆上小奇石其石下敷細沙為雅

夢斷床前心事閑
飄然疑在白雲間
回頭沙上看如雨
正是函關二子山

遊白雉山

蕭寺倚丘靜小樓避市浚
堦平望漠漠樹密日
沈沈三徑少行客
一杯發雅音問僧應未聽
千載嵇生琴

飲久住子別莊得為字

居如潘岳趣更有迎賓儀
鬱鬱烏桺桺離離大

谷梨佳肴鮮玉盃美酒照金卮太喜百壺飲此
歡爲我爲

分題得官詞

長門夜靜昔思深自古人情猶似今無奈怕怕
朝槿色空終松樹晚青心
御爐烟襲錦紳長水殿風穿綺袂涼夢覺驚看
羅帳裏正知近侍鬱金牀

屏居漫成十首

江上屏居絕世埃柴門淡鎖謝人來讀騷常慕
屈平潔垂釣誠知呂望才連榻寂寥塵自積一
尊自若日堪開且思海內爲何事老去無如濁
酒杯
閉戶先生常醉眠醒來隱几嘯長天千山雲定
陰晴別萬里波淹日月懸粉署漏聲驚曉夢上
林樹色隔江烟諸賢聞說多興廢勿怪麻姑海
作田

藜杖相扶烏角巾，誘兒徐步共憐春。
開花風落疑飛雪，芳草坐溫如累茵。
掃石臨流魚近遡，登丘倚樹鳥親馴。
醉臥長吟日游賞，正是江湖一散人。

老去詩篇愈懶情，壯年壯志已成灰。
清談誰作七賢侶，狂態徒高八達才。
屈指中原交欲盡，感時萬里意殊哀。
江流幸繞小齊絜，乘興浮槎問玉臺。

歸休亭下近漁村，且與田廬隔竹園。
朝見客船集江渚，暮看篝火照柴門。
行游相引東山妓，滿酌將傾北海尊。
唯愛勝尤任地僻，罄歡獨自足盤餐。

中原欲望白雲垂，避世三年心事衰。
豈有驥馳千里嘆，偏思酒伴一時知。
秋江水冷魚龍隱，山樹風寒鳥雀悲。
環堵蕭然憐卜築，不勞爲我北山移。

終夜孤燈空坐久誰家吹笛起吾琴遙聞林外
梅花落自奏溪頭流水音風急君山波已動天
高玄鶴舞將臨人間此曲稀聽者堪想牙期知
已淡

昔爲葛嶺仙靈約今隱高阡陸水間夜鶴更棲
叢桂樹曉猿頻叫萬重山猗猗綠竹小堂古鬱
鬱蓬蒿二逕閑共笑周顛背空谷乘槎江上得
時還

月夜登樓月滿樓江南秋色望悠悠捲簾獨惜
侵青簟高枕自羞回白頭不讓杼繩明照術何
須剪紙壁中求倚欄遙見下西峽欲曙鐘傳萬
里流

吹臺高宴興猶今偏思沐恩堪醉吟孔雀香烟
侵綺席芙蓉白雪擁淡林射簾返照映金盞觸
檻行雲停玉琴龍去龍池還寂寞悲哉秋色獨
傷心

猗猗堂集卷之三
十一
江樓獨酌

江樓滿酌酒如流，波靜盃中浮。十洲高臥醉眠，
自無敵應同海上。忘機鷗。

題清秋子贈菊花

籬菊陶家尚未開，更驚秋色滿枝來。喜傾漉酒
弄花氣，正是南陽延壽杯。

寄子遷

喬也不見久，何爲隔交情。狂夫病三歲，痛腰扶

人行。又且辭職去，遂爲安處生。懶性游方外，不
須稱幽貞。唯愁冠冕客，時時妨生平。親疎一謝
絕，杜門掩虛名。頃知真隱狀，稍得禁蛙鳴。小樓
八月近，觀濤杯尊傾。相思知己已，感乾坤一弟兄。
行路直如砥，爲來馬蹄輕。

余醉眠到仙境因賦夢仙行

盃尊朝昏怡我顏，醉來高枕睡眠閑。怪見老翁
杖藜到，容貌清灑鬢毛斑。拄杖雲中對我謂，敝

廬不遠可往還君乘碧鸞我乘螭翩翩不覺到
靈關先入少時誘引我縈珠宮殿聳西山金楹
銀牘畫文彩丹房紫洞連雲間佳氣如春簟牀
暖光明又疑月中攀舉頭玉京雲郁郁低首錦
流響潏潏鳥囀青華林魚躍黃木灣老翁新出
自飛觀威儀從容着佩冠冠者數人及小童皆
衣錦繡與紗紈老翁慙慙作賓禮清談相合心
共寬甘脆肥臠勸美饌芳醕蘭肴罄交歡葡萄

露垂顥珠冷蟠桃如碗紅映盤興闌夜深月皓
皓忽聞佩玉近珊珊二八娥眉携絲竹殿前奏
成纖指彈奇歌妙舞絕世曲瑤裳參差逐風寒
曲闌請歸尚且止相共淡惜再會難月落天朗
催曉色分手欲別夢猶殘羸峽鐘聲頻驚枕髻
鬢起坐心未安誠知盧生極榮樂我今一醉游
仙閣仙閣唯是在酒中憶仙無若日斟酌

酒

有天有地若無酒何物歲歲慰白首朝風吹拂
宿醉顏夜月浮成盃中友縱情幾卿飲二騶誓
神伯倫盡五斗消憂合歡可無止一日百盃令
人壽

秋懷

白髮又白髮更驚鏡裏看昨夜孤雁過今朝江
水寒

對酒

對酒酒賞我天地一醉人舉杯邀風月風月入
我唇

遊今里館

竹樹秋風落鳴蟬野趣深閑情無此外高臥愛
重陰

無山如有山綠樹入雲閑秋風北窓裏淒淒枕
簟間

不待南樓興明月照草堂幸有一尊酒回首懷

高陽

八月十五夜登樓看月懷子遷

望夜登樓坐明月出滄浪寒光懸金鏡清輝盈
屋梁豈問遊城闕斯中乃其鄉舉觴憶知己擊
筑想清狂宿昔今霄會依違罄交情談笑忘彼
我詩賦成篇章酒酣發歌曲興熟弄琴笙相阻
非各天舊病久爲妨參商雖不比神交何可傷
白露侵短衣清風拂胡床醉氣坐勃然月色到

五更

遊海安寺卽興

海安楓樹蔭滄海已見紅於二月花返照更添
山上色長林半與暮雲遶

春日卽興

勿言春雪後春色總來遲天朗霞圍海風和花
得時驛邊生綠艸樹裏囀黃鸝自是行游好欲
傾匏子卮

隱居謝絕客客中有言者因賦

醉歌兼鼓瑟寂寞慰幽思何容風塵世騷騷輕
薄兒

春日酌花下

櫻花如雪擁柴扉半帶春風池上飛誰識山中
佳興有舉杯樹下泛霏霏

賀坪井壽樂六十壽

壽筵彭澤酒爲爾勸佳辰因祝齡相似大椿千

載春

夏日游今里館卽事

携酒游今里園林綠夏新子規雲外過語燕檻
前馴步似謝公屐飲常陶氏巾醉歌是生事足
養百年身

醉後捲簾坐夕陽照暮烟蛙聲添楚趣梅子落
風前自覺性隨意適然齡到仙人生豈可怪滄
海作桑田

對躑躅下酒

沈醉櫻花下又酌躑躅紅
尊酒兼造化自助白頭翁

山中

半夜高枕聞哀猿聲蕭索
一朝入山中不夢見往昔
猿鶴預知人喜為山林客
為能慰心者風月與泉石

烟雨

烟雨幽居裏憑欄適意看
流鶯傳樹外歸雁入雲端
矯首嘆知己抱琴空自彈
世間共歎曲何更問猗蘭
山樹鬱添綠寂寥滴露梢
池魚安積水梁燕結新巢
烏儿佐詩句鹿皮絕世交
白茅知自足何得鶴猿嘲

適意

適意養生延暮年柴門自足大江邊
閑鷗乘浪班班泛輕燕迎風片片翩
坐靜臥游思徑路山深清景助詩篇
虛名謾說華陽隱何用層臺容世賢

戲寄某游長安

長安章臺春多是絕世色憶君謾貪花
醉臥瓊娥側

寄某

東都大道百萬家山有芙蓉水東海吾黨放歌
醉此中豈君無意舉杯待

送人之信州

爲勸離杯百尺樓相思何日大刀頭知君遙見
青山裏潮落長江萬里秋

送某君之佐州

欲別江樓發棹歌強留錦纜望長波垂雲不見
三千里十八灘頭何日過

避世

避世常青眼緣爲山水遊杯罇殊有趣草木自
忘憂逸志還良驥老軀似睡鷗生事皆方外不
異泛虛舟

高樓卽事

高樓眠覺暮潮來半醉半醒心樂哉非是景公
游海趣坐臨濤色數傾杯

彈琴

涼風生夏簟向夕樹成吟雨霽雲歸岫坐閑歌
入琴拂愁應是酒催興莫過音獨樂慰蕭索自
從物外心

歸休亭

寂寞幽篁鳥雀馴苔園不拂淨無塵誘兒徐步
愛歡笑酌酒清狂養老身壽嶺雲迴欄外散級
江潮滿岸間新歸休豈用鑿龍澗自是勝遊秋
又春

雨晴

秋色纔催昨雨晴
鳴蟬近合澗泉清
老來更爲苦炎熱
待候且望鴻雁聲

飲中戲作

昔言一醉玉山頽
今笑白頭光映杯
六十行年心未老
況傾樽酒壯游催

壽園

小芙蓉在園中

壽園獨樂撫孤松
暑去陶家酒已濃
弄罷傾杯

西日落一峯
天際小芙蓉

仲秋對月懷子遷

憶君同飲桂華樓
狂態相逢知幾秋
老去山居空看月
何時再得庾公遊

聞雁

緣老畏夏日喜雁
過山阜起脫頭上巾
呼童漉濁酒

目送一行雁
手披萬卷書
秋涼催詩情
寂寞子

雲居

新築

新築如禪舍倚欄樹迫潭鹿皮糝白首麈尾類
玄談坐靜詩殊好情寬酒且耽柴門知己閉何
駐世間驂

猗蘭臺集三稿卷之三

